

Hámarkshraði ökutækja, annarra en bifreiða, sem draga tengi- eða festivagna, skal vera 80 km á klst.

Hámarkshraði bifreiða, sem draga tengi- eða festivagna, skal vera 60 km á klst.

Auglýsing þessi, sem sett er samkvæmt heimild í 50. gr. umferðarlaga nr. 26 2. maí 1958, sbr. 7. gr. laga nr. 62 13. maí 1966, öðlast gildi 26. júní 1966.

*Dóms- og kirkjumálaráðuneytið, 16. júní 1966.*

**Jóhann Hafstein.**

*Ólafur W. Stefánsson.*

## AUGLÝSING

### um hámarkshraða á þjóðvegum um Selfoss.

Hámarkshraði á Suðurlandsvegi frá ristarliði vestan við Selfoss að vegamótum við Gaulverjabæjarveg (sbr. lið II. B. í auglýsingu nr. 124/1960) skal vera 45 km. á klst.

Hámarkshraði á Eyrarbakkevegi frá vegamótum við Suðurlandsveg að vegamótum við ræktunarveg sunnan við Selfoss (sbr. lið III. B. í auglýsingu nr. 124/1960) skal vera 45 km á klst.

Auglýsing þessi, sem sett er samkvæmt 50. gr. umferðarlaga nr. 26 2. maí 1958, sbr. 7. gr. laga nr. 62 13. maí 1966, öðlast þegar gildi.

*Dóms- og kirkjumálaráðuneytið, 16. júní 1966.*

**Jóhann Hafstein.**

*Ólafur W. Stefánsson.*

## REGLUGERÐ

### um barnavernd í Hafnarkauptúni í Hornafirði.

#### 1. gr.

Í Hafnarkauptúni í Hornafirði er börnum og unglingum innan 15 ára aldurs bannað að vera úti á almannafæri eftir kl. 21.00 að kvöldi á tímabilinu frá 1. október til 1. maí, nema í fylgd með foreldrum eða öðrum forráðamönnum. Þó er þeim heimilt að sækja skemmtanir skóla og æskulýðsfélaga undir umsjón foreldra eða fulltrúa þeirra.

Óheimilt er þeim og á sama tímabili aðgangur að kvöldsýningum kvikmyndahúsa og öðrum skemmtunum, nema í fylgd foreldra eða forráðamanna.

Foreldrum og forráðamönnum barna og unglunga ber að sjá um, að ákvæði þessu sé hlýtt.

#### 2. gr.

Unglingum innan 15 ára aldurs er óheimill aðgangur að almennum veitingastofum, is-, sælgætis- og tóbaksbúðum eftir kl. 21.00 að kvöldi á tímabilinu frá 1.

október til 1. maí, nema í fylgd foreldra eða forráðamanna, en annan tíma ársins sé miðað við fermingaraldur.

Eigendum og umsjónarmönnum slíkra staða ber að sjá um, að unglingar fái ekki óheimilan aðgang.

### 3. gr.

Unglingum innan 15 ára aldurs er bannaður aðgangur að opinberum dansleikjum á tímabilinu frá 1. október til 1. maí, öðrum en innanfélagsdansleikjum æskulýðsfélaga, sem unglिंगarnir eru meðlimir í, svo og dansleikjum skólafélaga. En annan tíma ársins sé miðað við fermingaraldur.



### 4. gr.

Brot gegn reglugerð þessari varða viðurlögum samkvæmt lögum nr. 53/1966, um vernd barna og ungmenna.

### 5. gr.

Reglugerð þessi öðlast þegar gildi.

*Menntamálaráðuneytið, 16. júní 1966.*

**Gylfi Þ. Gíslason.**

*Knútur Hallsson.*

## REGLUGERÐ

### um barnavernd á Flateyri.

#### 1. gr.

Í umdæmi barnaverndarnefndar á Flateyri er börnum yngri en 12 ára bannað að vera á almannafæri eftir kl. 20.00 að kvöldi á tímabilinu frá 1. október til 1. apríl og eftir kl. 22.00 frá 1. apríl til 1. október, nema í fylgd forráðamanna eða fullorðinna, er falin hefur verið umsjón þeirra. Börnum á aldrinum 12 til 14 ára er óheimilt að vera á almannafæri eftir kl. 22.00 að kvöldi á tímabilinu frá 1. október, til 1. maí og eftir kl. 23.00 á tímabilinu 1. maí til 1. október, nema í fylgd forráðamanna sinna eða foreldra. Foreldrum eða forráðamönnum barnanna ber að viðlagðri ábyrgð að sjá um, að ákvæðum þessum sé framfylgt.

#### 2. gr.

Börnum og unglिंगum innan 16 ára aldurs eru bannaðar ferðir út í skip, sem liggja við bryggju eða á höfninni, nema í fylgd foreldra eða forráðamanna.

#### 3. gr.

Börnum innan 16 ára aldurs er bannaður aðgangur að öldrykkju og knattborðsstöðum. Þeim er einnig bannaður aðgangur að almennum dansstöðum, kaffistöðum og kvöldsölum eftir kl. 21.00, nema í fylgd foreldra eða forráðamanna.

#### 4. gr.

Ekki má leyfa unglिंगum innan 14 ára aldurs aðgang að kvikmyndasýningum öðrum en barnasýningum, nema leyfi barnaverndarnefndar komi til, eða í fylgd með foreldrum eða forráðamönnum.